


中山世譜

三

和	書	門	類
四	二	六	〇
一	三	四	〇
九	六	函	號
冊	架	冊	架

和	書	門	類
四	二	六	〇
一	三	四	〇
九	六	函	號
冊	架	冊	架

内閣文庫	
番號	和 42660
冊數	8 (2)
函號	178 384





中山世譜

卷四

紹王

內一〇四〇八號

神號君志真物童名及降誕不傳



父母及妃俱不傳世子尚巴志其餘不傳遺有
 女生一男一女其男思紹也女叫場天祝思紹
 長成移居于苗代村當時之人稱苗代大親苗
 代大親通于佐敷村美里子之女而生佐敷小
 按司小按司即巴志也又曰美里大親平田大
 親其兄弟也云尔然籍湮世遠虛實難辦故遵
 世譜凡例之定規不敢強記是試重倫闕疑之

義也闕疑之義見于
九例遺老說傳之條

附紀

思紹為人資質純厚百姓推載為佐敷按司時
會琉球分如鼎足兵爭不息見其嫡子巴志英
明神武雄才蓋世誠有治世安民之能遂令巴
志立為佐敷按司而自退養老巴志果起義兵
討中山奉父思紹為君自能輔翼父王發政施
中山仁有功者賞有罪者罰臣民皆悅中山始安

王紀

明永樂四年丙戌即位

國相王茂

茂任國相兼長史
事仕至于尚巴志

法司名氏不傳

當時之人稱法司職曰阿
司多部至明末改稱法司

五年丁亥尚思紹自稱世子遣三五良輩貢

馬及方物別遣使以武寧訃告成祖命禮

部賜祭賻詔思紹嗣王爵并給皮弁冠服

此時

成祖不遣使
止賜詔封之

六年戊子王遣阿勃吾斯等奉表貢方物謝襲
封恩時山南王汪應祖亦遣使貢馬成祖各
賜鈔幣

七年己丑王遣使貢方物表賀萬壽聖節山南
王汪應祖亦遣使貢馬成祖各賜衣幣

八年庚寅王遣三五良壘等入貢官生模都古
等三人入國子監受學時通事林佑承中國人
王啓請賜冠帶成祖從之時山南王汪應祖

亦遣使表賀萬壽聖節各賜如例是年冬成
祖賜琉球官生李傑等冬衣靴襪禮部尚書呂
震曰昔唐太宗興學校新羅百濟皆遣子弟入
學當時僅聞給廩膳未若今日賚予周備也
成祖曰遠方慕中國禮義故遣子弟入學必足
於衣食然後樂學太祖高皇帝命資給之著
於令典所謂曲成萬物而不遺者安得違之
九年辛卯王遣三五良壘等表賀元旦偕大臣

之子懷得塞官之子祖魯古入監受學給賜如
例又遣坤宜堪彌等貢馬及方物具疏言長史
王茂輔翼有年請陞王茂爲國相兼長史事又
疏言長史程復饒州人輔臣祖察度四十餘年
勤誠不懈今年八十有一請命致仕還其鄉
成祖悉許之時有人匿其方物不盡貢者監察
御史廉得其實以聞成祖曰此非國王意也
宥之由是王又遣使謝恩及貢方物成祖勅

賜王鈔及綵幣
十年壬辰王遣使表賀元旦山南王汪應祖亦
遣使入貢并表賀萬壽聖節
十一年癸巳王兩次遣使奉表貢馬借塞官子
鄔同志及周魯每等三人入監受學時山南王
汪應祖遣使貢馬成祖各賜鈔及永樂錢是
年模都古等三人奏乞歸省成祖曰遠人來
學誠美事思親而歸亦人情也命禮部厚賜衣

幣及鈔為道里費以榮之仍命兵部給驛傳留
學者皆賜冬夏衣

十二年甲子王遣使表賀元旦又遣三五良釐
等貢馬及方物賜鈔幣如例時皇太子賜琉
球官生益智每等二人羅布衣各一襲及襪衫
靴襪衾褥帷帳從人皆有賜成祖賜鄔同志
父等三人衣鈔
十三年乙未王及山北王攀安知俱各遣使貢

方物世子巴志亦遣貢是結制貢馬及方物
成祖各賜文綺三十表裏
本年成祖遣行人陳季芳等齎詔至國封山
南王世子他魯每為山南王先是山南王承察
度無嗣臨終遣命從弟汪應祖以攝國事永樂
二年汪應祖受封于朝其兄達勃期心甚妬之
永樂十二年謀弒應祖篡位汪應祖在位十一年各寨官
并諸按司合兵誅達勃期推應祖之長子他魯

每攝國事于是他魯每表請襲封成祖遣使
來封并賜誥命冠服及鈔一萬五千錠
十四年丙申王遣三五良蠻等貢馬及方物兼
謝使臣不謹之罪先是王所遣直佳魯犯法坐
誅成祖勅諭王曰比王所遣直佳魯等來京
朕優待之及還至福建乃肆狂悖擅奪海舶殺
死官軍毆傷中官奪其衣物直佳魯首罪當寘
大辟已命法司如律其阿勃馬結制等六十七

人與之同惡罪亦當死者王忠誠特遣歸俾王
自治自今遣使宜戒約之毋犯朝憲
本年王遣使奉表貢馬山南王他魯每亦遣使
入貢謝襲封恩
本年山北王攀安知為中山所滅先是攀安知
自恃武勇淫虐無道其臣名平原本部人勇力
極強其餘軍士皆勇剛驍健之人亦其城池甚
係險阻尤難攻擊由是驕傲日盛常有吞中山

之意自受封于朝以來矜肆益甚與平原議攻
中山每日整頓兵馬時中山王尚思紹撫民
以德施政以仁羽地按司率兵來降告急曰山
北王作亂請先動兵若遲悞悔之無及言未畢
國頭按司名護按司亦率兵來投報說如此王
命世子巴志急整軍馬往征山北巴志奉旨便
將浦添按司越來按司讀谷山按司名護按司
羽地按司國頭按司六路軍馬分隊先往隨後

官軍大發前至寒汀那港擁兵渡江攀安知原
是武勇之人兼有平原等協力督軍防備甚密
巴志催兵攻城城上放箭如雨不可進攻浦添
按司大叫曰忠臣委身于國家視死如歸豈可
拱手而送日乎言畢奮勇先進諸軍亦爭先攻
擊奈北軍恃固兼得驍健之兵相助守城攻戰
數日城不陷巴志曰攀安知滔虐無道雖有千
軍實非心服其臣平原有勇無謀亦是貪欲之

人以計破之何難之有遂召羽地按司等問其地勢羽地按司曰此城三面皆險阻難急攻破而坤方尤係險阻料是此處必急于防備巴志大喜令一人辨給者從坤方處乘夜入城裏把幣帛贈平原并以利害說之以為內應次日平原告攀安知曰久不出戰敵軍必以我為怯請王與臣更番出戰敵必敗矣攀安知從之命平原守城自率軍先出巴志見北軍出城來急傳

令從坤方險阻處分軍攻入却催軍兵從平坦處迎敵攀安知武藝絕倫奮勇衝殺官軍敗走攀安知趕追間忽見城中火起冲天攀安知大驚急慌返兵入城平原提刀來迎大叱曰汝既無道我降于中山攀安知大怒戰不數合斬為兩段始知平原心變作叛悔之無及只見官軍爭先攻入如天摧地塌無力可禦時城中有一靈石攀安知常拜為神石此日智盡力窮叱其

石曰予今死汝豈獨生揮劍劈石自刎而亡由

是山北復歸中山至今神石尚存而有十字劈

于重間河後葉壁人獲之又城門外一大

石上有王所乘馬蹄之跡皆山北古蹟也

附山北王今歸仁在位年數不詳怕尼芝在位年數不詳

珉在位五年攀安知在位二年起元延祐年間盡明

永樂十四年丙申凡四主歷九十餘年

十五年丁酉王及世子尚巴志并山南王他魯

每俱各遣使入貢賜賚甚厚

十六年戊戌王兩次遣使貢方物成祖賜使

者冠帶鈔幣有差

十七年己亥王三次遣使貢馬及方物

十八年庚子遣使者佳期巴那通事梁復等到

暹羅國以行通交之禮本國與暹羅相通最久往來無教故不志記焉

十九年辛丑薨在位十六年壽不傳

尚巴志王

神號勢治高真物童名不傳明洪武五年壬子降誕

父尚思紹王

尚母不傳

妃名號王有數男第二子曰尚忠次曰金福次

曰布里次曰泰久其餘不傳

附紀

巴志生得身體極小長不滿五尺故俗皆呼佐敷小按司其幼年嘗遊于與那原令鉄匠造劍匠人急造農器造劍甚遲巴志屢往問求匠人

佯為造劍之狀巴志還則止漸漸鍛鍊三年而後成巴志得此劍一日駕舟遊忽然大鯉翻浪躍來舟幾覆沉巴志按劍而立鱷魚畏退不敢侵時有異國商船裝載鉄塊在與那原貿易皆見其劍而要之終以滿船所載之鉄買之巴志得鉄許多散給百姓令造農器百姓感服巴志為人膽大志高雄才蓋世洪武二十五年歲二十

十一父思紹謂巴志曰昔玉城王失德廢政國

分爲三勢如鼎足自爾而後殆及百年兵戰不
息生民塗炭未有若此時之甚者也吾見當時
諸按司雖各據兵柄皆守戶之大不足與有爲
也今之世惟汝一人可以有爲汝能代吾爲佐
敷按司極民於水大中吾願足矣巴志喟然嘆
曰惟命是從即續父爲佐敷按司調練兵馬島
添大里按司召群臣曰今諸按司皆不足懼惟
佐敷按司之子巴志英明神武有擎天之翼今

續父領佐敷吾甚懼焉况吾與巴志不睦如之
何則可乎言未畢喊聲大起巴志早已領兵來
攻大里按司大驚催兵拒禦奈巴志希世英雄
兼多勇健之兵無力可禦竟爲巴志所滅巴志
得大里等處威名大振時乃中山武寧王壞覆
先君之典刑臣民遁隱諸按司相謂曰巴志得
大里而地與首里甚近今王失德禍不遠矣各
散隱不朝巴志謂諸臣曰琉球自開闢以來

王治世山南山北皆假王也今中山王失德廢
政何時得平二山而致一統之治乎諸臣皆曰
武寧王失德國勢日衰山南山北強暴益甚由
此觀之武寧王非救民之主乃傷國之螟蟲也
請光伐中山以建基業然後平二山以安社稷
是萬民之幸天理之順也巴志便領大兵來問
其罪武寧慌忙催軍拒禦時諸按司閉戶高枕
曾莫之救武寧悔之無及出城伏眾諸按司推

巴志為君巴志固辭奉父思紹為君自能翼輔
父王興政理治臣民及諸按司皆服後滅山北
遂平山南以致一統之治

本紀

明永樂二十年壬寅即位

國相王茂在職年懷機宣德初懷機續王茂任

時之人尊懷

法司摸都古其餘

不傳

本年遣第二子尚忠監守山北夫山北城離首

里遠城在今地係險阻人亦驍健恐其山北復

特嶮岨而生變也故令尚忠監守以拒變亂因

稱之曰今歸仁王子

本年遣使表賀元旦又遣使貢方物時未以思

二十一年癸卯遣使奉表貢方物尚未

二十二年甲辰春遣使以父王思紹訃聞于朝

成祖命禮部遣行人周彛齋勅至國賜祭賻以

布帛

本年命輔臣創建下天妃廟杜公錄云天尊廟

者創建廟祠為國祈福以此考之上天妃廟龍

王殿亦此時建之歟又曰龍王殿舊是建在子

三重城經歷既久移建

于唐榮上天妃廟前矣

明洪熙元年乙巳仁宗登極改元洪熙世子

巴志未知改元遣使表賀成祖萬壽聖節貢

馬及方物時仁宗遣中官柴山齋勅至國封

世子巴志為中山王仍賜冠帶襲衣文綺由是

本國始知改元。勅曰：昔我皇考太宗文皇帝躬膺天命，統御萬方，恩施均一，遠近歸仁。爾父琉球國中山王思紹聰明賢達，茂篤忠誠，敬天事大，益久弗懈。我皇考良用褒嘉，今朕纘承大統，念爾父沒已久，爾其嫡子宜俾承續，特遣內官柴山齋勅命爾嗣琉球國中山王爾尚立孝立忠，恪守藩服，修德務善，以福國人斯。爵祿之榮，延于無窮，尚其祇承，無怠無忽。故茲勅諭。

本年先已遣阿蒲察度等貢馬及方物。阿蒲察度歸言：仁宗崩，宣宗登極，改元宣德。由是王遣王舅模都古長史鄭義才使者實達魯等隨內官柴山至京，貢方物謝襲封恩，并進香長陵。長陵仁宗陵名附奏曰：臣祖父昔蒙朝廷大恩，封王爵，賜皮弁冠服。洪熙元年，臣奉詔襲爵，蒙宗皇帝已賜冠帶而皮弁冠服未蒙頒賜。請恩賜之。宣宗謂禮部尚書胡濙曰：遠人歸誠，固

是美事特賜冠服亦表異恩古人言招携以禮
懷遠以德朕與卿等尤當念之卒命禮部稽定
制製以賜之時鄭義才又具呈言海舟經年被
海風壞臣等附內官柴山舟得達乞賜一舟歸
國且便朝貢宣宗命工部給之
宣德元年丙午王遣佳期巴那等表賀宣宗
登極貢馬及方物宣宗賜襲衣靴襪有差
本年王遣阿蒲察都等奉表貢方物賞賜有差

二年丁未王兩遣使貢方物時山南王他魯每
亦遣使進香于仁宗長陵
本年夏宣宗遣內官柴山齋勅至國賜王皮
弁冠服妃絲幣等物勅曰今遣內官柴山前
來賜爾皮弁冠服并齋銅錢收買生漆及各色
磨刀石勅至爾即領價收買交付柴山進來故
諭
三年戊申王遣長史鄭義才等貢馬及方物謝

賜皮弁海舟宜宗賜義才等冠帶及金織紵

絲襲衣餘皆給素紵襲衣時宣宗以王朝貢

彌謹賜王勅及紵絲紗羅錦緞以勞之

本年王命輔臣創建國門榜曰中山

舊記云中山二字內

官柴山進以爲額

本年王遣長史梁回等貢方物謝恩

四年己酉王遣使表賀萬壽聖節進方物又兩

次遣使貢馬及方物時山南王他魯每亦兩遣

使入貢俱賜宴及鈔幣且命山南王使者齎勅

及鈔絹歸賜其王

本年山南王他魯每為中山所滅先是他魯每

受封于朝驕心稍動其後奢侈日加常拒忠諫

宴遊是好不務政事臣民怨之諸按司不朝他

魯每發兵問罪諸按司畏懼多投中山他魯每

怒曰賊奴與巴志同謀倡亂不悉誅滅吾怒不

息遂傳軍令聚整兵馬山南騷動事聞于中山

巴志曰時至矣遂自率四方按司親往征之山
南百姓喜躍拜迎他魯每益怒率軍出戰大敗
而走將入門時城上放箭閉門拒禦他魯每前
後受敵無力可施被擄伏誅由是琉球復歸一
統遺老傳云中山王巴志有金彩圍屏粧飾甚
名呼嘉汀志川泉以此換之如何他魯每喜換
之原來是泉湧得極天大里等處百姓皆引此
泉為耕巴志得泉惟從已者與之不從者不許
用之由是百姓暗從中山者不可勝數時他魯
每不務政事遊戲無度臣民及諸
按司皆怨之卒為巴志所滅云

附 山南王大里 在位年數不詳 承察度 在位年數不詳

應祖 在位十年 他魯每 在位十年 起元延祐年間

盡明宣德四年己酉兀四主歷一百餘年

五年庚戌王遣使貢馬及方物并具奏言我琉

球國分為三者百有餘年戰無止時臣民塗炭

臣巴志不堪悲嘆為此發兵北誅攀安知南討

他魯每今歸太平萬民安生伏願階下聖鑒

宣宗賜詔特嘉其功 詔曰爾琉球國分為島

足人民塗炭百有餘年比爾義兵復致太平是
朕素意自今以後慎終如始永綏海邦子孫保
之欽哉故諭

本年内官柴山副使阮漸齋勅至國賜王尚姓
并金織紵絲紗羅絨錦賜妃錦織紵絲先是宣
德三年長史鄭義才在京時

彌謹之故深嘉其忠命内官柴山齋勅前往勞
之奈何遲延迄于本年而纔至國賜王如命時

柴山捐資建寺于我國名曰大安禪寺并自立

碑記景泰七年丙子泰久王鑄鐘懸寺然寺建
使柴山奉命遠造東夷東夷之地離閩南數萬
餘里舟行累日山岸無分茫茫之際蛟龍湧萬
丈之波巨鱗漲馮夷之水風濤上下捲雪翻藍
險釁不可勝紀天風一作煙霧忽蒙潮濶滄游
波濤之聲振於宇宙三軍心駭呼佛號天頌之
忽有所神光大如星斗高掛危檣之上耿煥昭明
如有所慰然後衆心皆喜相率而言曰此乃龍
天之庇神佛之光矣何以至是哉是咸賴我公
崇佛好善忠孝仁德之所致也迨夫波濤一息
河漢昭明則見南北之峯遠相迎衛迅風順渡
不崇朝而抵岸焉既而奉公之暇上擇岡陵下
相崖谷願得龍盤虎據之地以為安奉佛光之

所庶幾以答扶危之惠於是掬水聞香得其地
於海岸之南山環水深路轉林密四顧清芬頗
類雙林之景遂闢山為地引水為池挾之陝陝
築之登登成百堵之室闢四達之衢中建九蓮
座金容于上供南方丙丁火德于前累石引泉
鑿并于後命有道之僧董臨其事內列花卉外
廣椿松遠吞山光乎挹灘瀨使巢居穴處者皆
得以觀其光焉此酬功報德者之所為也且東
夷與佛國為鄰共聖跡海靈鍾秀者有素矣此
寺宇之建相傳萬世無窮良有以夫建寺者誰
天朝欽命正使柴公也
六年辛亥王遣使貢方物又遣使貢馬及金銀
器四謝遣柴山賜錦幣

七年壬子王遣漫泰來結制等入貢漫泰來結
制具呈言來舟損壞乞賜一舟歸 宣宗命工
部給之是年王遣使入貢者凡四宴賚如例
八年癸丑 宣宗遣內官柴山齋勅至國賜王
衣服文綺以勞之時柴山復自捐資建閣于我
國名曰千佛靈閣并立碑記閣建何地亦不可
考焉柴山碑記云
粵自大明開基混一六合東漸於海西被于流
沙聲教訖于四海凡在遠方之國莫不捧琛執
帛而來貢焉時東夷適居來海之東阻中華數
萬餘里水有蛟龍之虞風濤之悍陸有五陵之

險崖谷之危無縣郭之立無丞尉之官汗樽杯
飲盡其峪也雖然亦屢貢所產于朝永樂之間
亦常納其貢馬洪熙紀年之初遣正使柴山暨
給使中行入等官奉勅褒封王爵頒賜冠冕仍
遣祭前王使其知尊君親上之道篤仁義禮樂
之本天朝之恩無以加矣當今聖人繼登龍馭
率由舊章宣德二年復遣正使山獨掌其事蒞
臨以詢之則見其王欽已于上王相布政於下
其俗皆循禮法熙熙如也宣德三年本國遣使
歸貢於朝迨夫五年正使山復承勅來茲重宣
聖化淮海往還滄波萬頃舟楫之虞風濤之患
朝夕艱辛惟天是賴思無以表良心遂三軍壑
地營基建立佛寺名之曰大安一以資恩育之
勤一以化諸夷之善寺既成六年卒事復命
迨宣德八年歲在癸丑天朝甚嘉忠孝特勅福
建方伯大臣重造寶船頒賜衣服文物以勞之

日夜棲跡海洋之間三軍有安全之歡四際息
風濤之患或夜見神光或朝臨瑞氣此天地龍
神護佑之功何其至歟於是重修弘仁普濟之
宮引泉鑿井于宮之南鼎造大安千佛靈閣凡
在諸夷莫不向化寶閣既成佛光嚴整八月秋
分又有白龍高掛以應其祥此嘉祥之兆良有
自也遂立碑記以紀其事使萬世之下聞而知
者咸仰天朝德化之盛而同趾美於前人因書
為記建閣者
故柴山云

本年王遣使入貢者凡二宴賚如例

元年甲寅王遣使貢馬及方物中道遇風先後

至閩已又遣長史梁求保等謝賜衣服海舟

宣宗賜使者幣有差仍命齎勅及幣歸賜王
十年乙卯王遣長史梁求保通事李敬等謝恩
貢方物禮部尚書胡濙奏曰比奉旨節一切冗
費以安軍民今四裔使臣動以百數沿途疲于
供給宜勅諸路總兵官并都布按三司繼今審
其來者量遣正副使從人二十人赴京餘悉
留彼處給待為例 宣宗從之 本國貢使以二
十人入京自此
始而

明正統元年丙辰 英宗登極改元正統時王
適遣伍是堅等貢方物 英宗頒賜勅及大統
曆并白金彩幣令伍是堅齎回賜王 勅曰我
國家統有天下薄海內外罔不臣服列聖相承
無間遠近一視同仁爾為國東藩世修職貢益
永益虔王遣使來朝貢馬及方物禮意勤至朕
嗣承祖宗大寶期與四海群生同樂雍熙矧王
篤於事大良可嘉尚使者還特賜王及王妃白

金彩幣以答遠意王其欽崇天道仁卹有民永
保蕃邦以副朕望欽哉故諭
本年王遣阿普尼是通事鄭長等謝恩貢方物
本年王再遣使貢馬及方物使者至福建止具
貢物以聞其自携螺殼九十海巴五萬八千失
於自陳有司以漏報沒入使者籲請給值英
宗謂禮部曰海巴螺殼遠人資以貨殖取之奚
用命悉還之仍著為令

二年丁巳王遣陪臣義魯結制梁振等貢馬及
方物附奏曰本國各官冠服皆國初所賜年久
朽敝乞更賜之又言本國遵奉正朔而海道險
阻受曆之使或半載或一載方返不便英宗
命禮部議禮部奏曰冠服本國可依原制造用
大統曆令福建布政司給與之
部又奏琉球國貢馬矮小宜令選高大者充貢
英宗曰遠人慕義入貢不必計物優劣

本年王遣通事梁德使者仲步馬結制等往瓜
哇國行通交之禮
三年戊午王遣義魯結制等貢馬及方物賜幣
有差
四年己未王遣長史梁求保都通事蔡讓使者
楊布勃耶等貢方物表賀
是通事程鵬等入貢賜宴幣如例先是本國使
臣并從人共二百餘人於福建停憇除日給廩

米外其茶鹽醢醬等物出於里甲相沿有例此
時巡按福建監察御史成規具疏改例止日給
廩米一切費悉罷之

本年四月二十日薨在位十八年壽六十八

中山世譜卷五
平家
中
四
郎
尚
忠
王
...

中山世譜卷五
平家
中
四
郎

尚忠王

童名神號不傳明洪武二十四年辛未降誕

父尚巴志主尚忠係第二子

母妃不傳世子尚思達

附紀

尚忠王英明仁厚深有作為永樂二十年壬寅

尚巴志王恐山北恃固而復有變特命尚忠監

守山北稱今歸仁王子後尚忠踐祚仍遵舊

制封子弟于今歸仁世世監守著為定規尚德

德覆宗絕祀由是監守貴族之徒皆遁世而隱

即今今歸仁間切下運天材所謂百按司墓者

其貴族之墓也墓內枯骨甚多又有骨龕數個

以水為之修飾尤美皆銘已字金紋而一個稍

新者之壁有字云弘治十三年九月某日以此

考之則其貴族至于尚真王代而老盡馬此其

証也然人沒世速墓地骨露問之則亦

運天村人曰裔孫已絕無有掃祭者亦

中山明正統五年庚申即位

尚志紀

國相懷機

法司名氏不傳

本年遣步馬結制等貢馬及方物

時未以已志計聞于中朝

宴賚如例先是朝貢者朝參出入皆給馬有例

至是止給正副使其餘皆不給著為令

六年辛酉遣長史梁求保使者楊布明泰通事

梁祐等奉表入貢又遣達福期等表賀萬壽聖

節時未以已志計聞

本年遣通事沈志良使者阿普斯吉等駕船載
瓷器等物往瓜哇國市胡椒蘇木至東影山遭
風桅折進港修船歸國

七年壬戌世子尚忠遣長史梁求保等奉表入
貢并以巴志王訃聞于朝兼請襲封爵

英宗命給事中余忭行人劉遜為冊封正副使
八年癸亥世子尚忠兩遣使貢馬并表賀元旦
本年英宗遣正使余忭副使劉遜齎勅至國

諭祭故王巴志封尚忠為中山王仍賜王及妃
皮弁冠服金織襲衣幣布等物詔曰昔我祖
宗恭天明命君主天下無間遠邇一視同仁海
外諸國咸遵君長以統其衆朕承大寶祇奉成
憲用圖永寧故琉球國中山王尚巴志爰自先
朝恭事朝廷勤修職貢始終如一茲既云及其
世子尚忠敦厚恭慎克類前人土能事大下能
保民今遣正使給事中余忭副使行人劉遜齎

勅封為琉球國中山王以主國事爾大小頭目
人等其欽承朕命盡心輔翼悖行善道俾國人
咸樂太平副朕仁覆蒼生之意
史梁求保奏爾父王尚巴志已歿良深悼念特
遣使命爾為琉球國中山王以主國事爾宜篤
紹爾父之志益堅事上之誠敬守臣節恭修職
貢善撫國人和睦隣境庶幾永享太平之福
九年甲子王遣使謝恩及入貢者凡四使臣梁

回奏乞給海舟一以便歲時朝貢
英宗給之
本年十月二十四日薨在位五年壽五十四

尚思達王

神號君日

童名不傳

永樂六年戊子降誕

父尚忠王

母妃不傳并無嗣

紀

明正統十年乙丑即位

國相懷機

法司馬權度其餘不傳

本年遣使入貢者凡二時未以尚宴賚如例

本年本國商船漂至廣東香山港巡戍欲盡戮

冒功海道副使章格不可乃為辨奏悉還其賞

十一年丙寅遣使入貢者凡二時米以尚宴賚

如例

二年丁卯遣長史梁球等奉表入貢并以父

王尚忠訃告兼請襲爵一英宗命給事中陳傳

行人萬祥為冊封正副使

本年遣通事蔡讓等貢馬及方物宴賚如例

十三年戊辰冊封便給事中陳傳行人萬祥

齋勅至國諭祭故王尚忠封世子尚思達為中

山王勅曰爾北遣長史梁球等奏爾父王尚

忠亡歿良深悼念特封爾為琉球國中山王繼

承爾父主理國事爾宜篤紹先志敬守臣節恪

修職貢簡任賢良善撫國人和睦隣境以保國
土仍以皮弁冠服常服及金織紵絲羅緞等物
賜王及妃復詔諭其國臣庶盡心輔翼各循理
分毋或僭踰俾凡國人同樂雍熙副朕一視同
仁之意故諭

本年王先已遣使貢方物其跟伴與四川長河
西番人相毆會同館門外有重傷者有司以其
事聞英宗命毆至死者祇死

本年王遣梁同等貢馬及方物已又遣王舅馬
權度等奉表貢方物謝襲封恩王叔尚金福附

進方物 時福建尤溪沙縣方有冠警翌年三月始至京 宴賚如例 英

宗賜馬權度衣幣冠帶仍命馬權度齋勅并絲
幣歸賜王王妃及王叔時馬權度具呈言以所
賜絹匹往蘓州府易紗羅紵絲歸國服用禮部
以聞英宗從之馬權度齋勅并絲幣而歸
勅曰朕奉天命祇承祖宗大位主宰生靈夙夜

惓惓罹欲天下之人咸得其所惟王遠居海峽
能敬順天道恭事朝廷恪修職貢遣王舅馬權
度等奉表并王叔尚金福俱以馬匹金銀器皿
等方物來貢益見誠意朕甚嘉悅今權度等回
特賜王王妃并王叔絲幣王其體朕至懷故諭
十四年己巳王遣亞間美等奉表貢方物宴賚
如例
本年十月十三日薨在位五年壽四十二

尚金福王

神號君志

童名不傳

明洪武三十一年戊寅降誕

父尚巴志

王

金福係第六子

母妃不傳

尚思達王無嗣故金福受遺命嗣

大位世子曰志魯死于兵亂無嗣

紀

明景泰元年庚午即位

國相懷機

法司名氏不傳

本年遣百佳尼等貢方物時未以尚惡會景

帝登極改元景泰仍命百佳尼齋勅并文綺綵

幣歸賜王及妃時通事程鴻其呈言來船已壞

不能返國願以所賜幣帛造船禮部奏允其請

移文福建三司聽其自造不得擾民

本年又遣梁回等貢馬及方物宴賚如例時未

尚計

二年辛未遣亞間美等貢方物時未以景帝

命齋勅并文綺綵幣歸賜尚思達王及妃勅

曰國家一視同仁無間遠邇况於謹脩職貢之

國尤所當厚爾琉球於中國為東藩世脩職貢

逾久益勤今王遣使亞間美等奉表及進方物

禮意勤至朕承列聖嗣登大寶期與四海同樂

雍熙王能篤於事大良足嘉尚使還特賜王及

妃綵幣以答誠意王其欽崇大道仁恤生民欽

固藩屏以副朕懷故諭

本年遣察都等入貢王時未以已又遣通事李敬

等入貢想此時始以尚思違計時察都以自備

工料造船為請禮部議奏今福建地方被賊亂

人民艱窘宜令其候本國進貢通事李敬等回

日附載歸國景帝從之

本年遣使請封時以那霸阻海往來不便之故

命國相懷機築長虹堤自安里橋至伊邊築畢

懷機返愿建神社并寺名其寺曰長壽社及寺俱今存

三年壬申尚金福表稱王叔遣使入貢

本年景帝遣左給事中陳謨一作喬毅行人

董守宏齋勅至國諭祭故王尚思達封王叔尚

金福為中山王頒賜如例

四年癸酉王遣使謝恩已又遣使入貢者凡三

宴賚悉如例

本年四月十八日薨在位四年壽五十六

尚泰久王

神號那之志與茂伊又稱大世主童名不傳明永樂

十三年乙未降誕

父尚巴志王

母妃不傳有數男第子日尚德次日尚武其

餘不傳

遺老傳有云尚泰久王領越來時聚妾名叫世理休既生男子名稱江洲按司

傳說如此然所謂江洲按司者是尚德也乎是

尚武也乎抑亦另有稱江洲按司者乎世遠藉

湮虛實難辨故遵世譜凡例之定規不敢強記

是重倫闕疑之義也闕疑之義見于凡例遺老

說傳之條

附紀

尚泰久為人性質重厚宣德十年乙卯巴志

王封泰久于越來為越來王子景泰四年癸酉

會尚金福王薨世子志魯將立時王弟布里

威勢甚威乃言曰吾係巴志王之子宜承父

兄業而立志魯怒曰汝乃王弟非世子也豈可

妄奪兄王之業乎布里大怒發兵攻擊志魯亦

擁兵拒戰兩軍混殺滿城火起府庫焚燒布里
志魯兩傷俱絕朝廷所賜鍍金銀印亦致鎔
壞國人議推王弟尚泰久就大位
會紀
明景泰五年甲戌即位
國相名氏不傳
法司名氏不傳
本年尚泰久以布里作亂之事遣使馳奏以

聞并請頒賜鍍印景帝命禮部給之由是尚
泰久自稱琉球國掌國事王弟尚泰久而遣使
奉表入貢景帝命使者齎勅及綵幣歸賜王
弟尚泰久
六年乙亥兩遣使奉表入貢時王侄尚伯禮等
具呈乞於蘇州收買綵幣及釘蔴等物修葺海
船禮部恐其擾民不從景帝曰琉球素遵王
化與他國不同特許之且命給事中李秉彛

嚴誠未
知孰是
行人劉儉為
冊封正副使

七年丙子遣使奉表入貢
景帝遣正使李秉
彛副使劉儉齎勅至國諭祭故王尚金福封王
弟尚泰久為中山王并賜王及妃冠服綵幣等
物詔曰帝王主宰天下恒一視而同仁藩屏
表率國中或同氣以相嗣朕躬膺天命撫馭諸
侯琉球國王尚金福既薨其弟尚泰久性質英
厚國衆歸心茲特遣使齎勅封為琉球國中山

王凡彼國中遠近臣庶宜悉心輔翼罔或乖違
長堅忠順之心永享太平之福故茲詔示咸使
聞知勅曰爾自先世恪守藩維傳及爾兄益
隆繼述敬天事上久而愈虔屬茲薨逝軫於朕
懷爾乃王弟宜紹國封特遣使齎詔封爾為琉
球國中山王并賜爾及妃冠服綵幣等物爾尚
砥礪臣節懷懍國入欽哉

本年王遣使奉表貢方物謝襲封恩人別遣使

入貢則英宗復位改元天順

正統十四年英宗退位是年依

舊復位故改元

本年王命輔臣鑄天尊廟之鐘

附景泰年間一僧至國諱承琬字芥隱日本

平安城人也王命輔臣新構三寺一曰廣嚴今存

一曰普門一曰天龍俱今不存令芥隱和尚為開山

正住持而輪流居焉王受其教禮待甚優而國

入崇佛重僧由是王大喜景泰天順間下地于

各處多建寺院并鑄巨鐘懸于各寺朝夕令諸

僧談經說法參禪禮佛以祈昇平之治雖漢明

梁武亦無能出于其右焉誠此我國佛法之明

君也即今禁中或寺廟所有巨鐘乃景泰天順間尚泰又王所鑄也王又命輔

臣創建天界寺并未吉山熊野權現社其餘神社何年

建之今不可考疑是泰久王之世其亦建之歟

明天順元年丁丑王命輔臣鑄天妃二廟及萬

壽寺等鐘

二年戊寅王遣使奉表朝貢者凡三

本年王遣大城等

姓夏名居歎其子孫今已繁盛

率軍馬征討

勝連先是勝連按司阿摩和利身居儀賓之貴

兼武藝出衆視諸按司如草芥驕傲已極常有

弑篡之心時乃中城按司護佐丸

姓毛名國昂其子孫今已

繁盛鎮守中城忠義存心英武超倫早已察得阿

摩和利有謀叛之心由是護佐丸常整兵馬以

備拒禦之用阿摩和利畏其武威無出師之路

一日見王曰護佐丸要聚兵謀叛宜發兵擊倘

若遲延悔之無及王曰護佐丸忠義之人豈有

作亂乎阿摩和利巧言非之王被讒惑遣人窺

看果有整兵之狀王大驚便命阿摩和利為大

將急發大軍寅夜前往圍得中城水洩不通護

佐丸仰天嘆曰吾何罪如此其臣士等人大怒

皆要出戰護佐丸止之曰王命也豈可違也自

刎而亡時家族及臣士等入相從自死者不可

勝數由是阿摩和利得志大整軍馬密召臣士

議攻中山時其夫人

夫人名叫踏揚按司乃王女也

有一僕臣

名大城武勇無比勢如狼虎當時之人號鬼大

城大城知其機事密告夫人日事既如此夫人

大驚曰災禍不遠汝為我計之大城俟夜靜時

負夫人逃走到首里城天未曙敲門報王王大

悔且怒曰逆賊阿摩和利斬為萬段吾怨可解

即急傳令招聚四方軍士時阿摩和利與諸臣

議曰機事不密大城逃去若不先動手吾禍難

免遂率軍兵臨首里趕來放火攻城殺戰甚急

幸得四方軍兵皆來相救寡不敵衆阿摩和利

大敗而走王命天城為大將率領大軍往征勝

連大城奉旨前臨勝連進發阿摩和利閉門堅

守官軍爭先攻城阿摩和利亦是武勇之人或

出城殺戰或閉門拒禦大城大怒分兵攻擊銳

氣甚熾阿摩和利智力既窮遂為大城所滅大

城奏凱回日有諸神賀太平
三年己卯王遣李敬等貢馬及金銀器皿并上
疏言本國王府失火延燒倉庫銅錢請炤永樂
宣德間例所帶貨物以銅錢給價禮部奏言銅
錢係中國所有難以准給宜移文福建布政司
以所貯絲紗羅絹布等物依時值閔給英宗
從之
本年王遣亞羅佳其等奉表入貢宴賚如例

本年王命輔臣鑄巨鐘懸于臨海寺寺何年建之今不可

考 本年王命輔臣鑄巨鐘懸于臨海寺寺何年建之今不可

四年庚辰王遣使奉表入貢宴賚如例
本年六月初五日薨在位七年壽四十六

尚德王

神號八幡之按司又稱世高王童名不傳明正統六

年辛酉降誕

父尚泰久王尚德係第三子

母妃及世子名號不傳

平紀

明天順五年辛巳即位

尚國相

名氏不傳

法司王察都

其餘不傳

尚德王為人聰明勇猛才力過人智足拒諫言

足飾非放辟邪侈略無忌憚羣臣畏懼而不敢

言但御鎖側官金凡極言屢諫

本年遣汪察等奉表貢馬及方物

時未以尚宴泰久計告

賚如例

六年壬午遣程鵬等奉表貢方物

時未以計宴聞于中朝

賚如例

本年世子尚德遣使入貢并以尚泰久王計

告由是英宗命吏科右給事中潘榮行人司

行人蔡哲為冊封正副使

七年癸未正使潘榮副使蔡哲齎詔至國諭

祭故王尚泰久封世子尚德為中山王仍賜王
及妃皮弁冠服絛幣等物詔曰朕紹帝王之
統纘祖宗之緒主宰天下一視同仁撫馭華夷
靡間遐邇惟爾琉球國僻居海島密邇閩中慕
義來庭受封傳業益有年矣故國王尚泰久克
篤勤誠敬天事大甫餘六載條爾告終先業攸
存可無承繼其世子尚德性資仁厚國衆歸心
茲特遣正使吏科右給事中潘榮副使行人司

行人蔡哲齋詔往封為琉球國中山王仍賜以
皮弁冠服等件凡國中官僚士庶宜同心輔翼
作我外藩嗚呼循理謹度永堅率俾之忠親族
睦隣丕冒咸寧之化故茲詔示悉使聞知
本年王遣王舅王察都長史梁賓等奉表貢方
物謝襲封恩已又遣崇嘉山等入貢宴賚悉如
例
明成化元年乙酉憲宗登極改元成化王遣

王弟尚武長史蔡璟等貢方物表賀登極宴

賚如例時使臣在閩始學造曆

本國造曆自此而始但年久世

遠不免有誤故康熙六年丁未楊春枝奉命入閩復學曆法

二年丙戌王遣正議大夫程鵬長史梁賓等奉

表貢馬及方物宴賚如例

本年王親自率軍征討奇畧先是奇畧島畔而

不朝連年發兵屢征無功王怒曰非帝無功反

見侮辱吾宜親領軍兵以平賊亂遂率二千餘

兵路歷安里村見有一鳥飛鳴而過王把弓仰

天祝曰若我得平奇畧一矢射鳥落若平不得

又射不得祝畢絃響矢發早已鳥落于地王心

大喜分駕海船五十餘艘二月二十五日那霸

開船行至洋中又見一巨鐘在于波面浮沉遂

載于船以為八幡大菩薩之賜二十八日至奇

畧賊兵于港口立柵築壘矢石如雨決不可進

王大怒令軍兵進攻死者無數王愈怒不息老

臣一人出班而奏曰賊兵有勇無智破之何難
請延數日臣必有破賊之計王從其言俟到三
月初五日烟雨霏霏當夜天黑對面難辨老臣
令數百軍人各駕小舟多帶火把佯為分軍之
狀駕赴彼島背後賊兵見之果中其計止令老
兵守港口皆往背後迎敵王大喜急令諸軍一
齊上岸放火燒屋喊聲振天賊兵大驚魂不附
體降者無數賊首力窮被擄受誅王另立首長

令治百姓本月十三日開船而歸由是王命輔
臣于射鳥處建宮藏鐘名八幡宮并構寺名神
德又鑄巨鐘懸于神德寺鐘今尚存嗣而王驕傲愈
盛殘害益甚諫者罪之諛者悅之國政日壞臣
士遁隱者不可勝計

本年王命輔臣創建大寶殿于天界寺先是景
泰年開尚泰父王新建天界寺由是尚德王
續父王之志加建大寶殿以祈雍熙之治又鑄

巨鐘掛于天叟寺

至今尚存

三年丁亥王遣長史蔡璟等奉表貢方物宴賚

如例

本年王遣使往朝鮮呈進鸚鵡孔雀等物使者

回日朝鮮王李璵仍以方冊藏經亦托使者帶

回進王王大喜以為護國之寶

四年戊子王遣正議大夫程鵬等奉表入貢已

又遣讀詩等入貢俱宴賚如例

五年己丑王遣長史蔡璟等奉表入貢已又遣

查農是等入貢宴賚悉如例

本年王命輔臣鑄巨鐘懸于相國寺

寺今不存

本年四月二十二日薨在位九年壽二十九時

世子幼冲法司欲奉世子立國人皆叛遂與弒

世子推戴御鎖側官金九為君而中山開萬

世王統之基

起尚思紹丙戌盡尚德己丑共七王歷六十有四年

附 世子及王妃避亂隱于真玉城兵追弒

